

# Il stadi islam persequitescha cristians – tge di il cussegl federal?

Interpellaziun da Stefan Engler en la chombra pitschna

DA CLAUDIA CADRUVI / ANR

■ **Pertge na condemnescha il cussegl federal betg cler e net il stadi islam che persequitescha sistematicamain cristians? Quai ha Stefan Engler dumandà en in'interpellaziun. Ier ha il cussegl dals chantuns discussiunà la resposta dal cussegl federal.** Da lezza è Engler stà satisfatg mo parzialmain. Dad in maun reconuscha Engler che la Svizra gida – ensemen cun auters pajais – en la Siria, l'Irac ed en la Turchia e dat uschia in pau speranza a numerus bandischads avant che l'enviern arriva. Betg cuntent è Engler dentant cun la tenuta e las retegnyentschas da la regenza. Dacurt haja *Didier Burkhalter* condemnà a Berlin ch'il stadi islam violeschia il dretg umanitar, ma il cusseglier federal n'haja betg ditg explicit ch'i saja da resguardar la liberatad da religiun era visavi ils cristians.

En vista a la violenza massiva dal stadi islamic spetga Engler pli fermes signals. Tenor el fissan plets pli datscherts betg mo in segn anoravers, mabain era vers l'intern. Uschia vesessan ils Svizzers ch'ins na pretenda toleranza religiosa betg adina mo vers muslims, mabain era en l'exteriur vers ils cristians.

## Schwaller: «Prender si 2000 fugitivs»

Tuts sappian ch'ins saja londervi da mazzacar cristians en l'Irac ed en la Siria, ha ditg *Urs Schwaller* (pcd/FR). La Svizra na possia betg impedir quai cun meds militars. Ma il cussegl federal pudess metter a disposiziun dapli meds logistics e finanzials per ils pajais plain fugitivs.

Da preschent prenda la Svizra si 500



Il cusseglier dals chantuns Stefan Engler (pcd GR) ha inoltrà in'interpellaziun davart la persecuziun dals cristians.

KEYSTONE

fugitivs l'onn ord l'Irac e la Siria. Schwaller ha pledà persuenter d'auzar per ina giada quest dumber a curta vista sin 2000 fin 2500 persunas. «Quai fiss per mai – nus avain uss prest december – il vair Nadal.»

## Fetz: «Naginas unfrendas d'emprima classa»

*Anita Fetz* (ps/BS) ha avertì da betg far ina differenza tranter cristians ed autras religiuns. Il terror dal stadi islam chaschunia ina massa unfrendas – umans in-

nocents n'emportia betg da tge religiun. «I na dat per mai betg unfrendas d'emprima classa. Mintga unfrenda è ina damemia.» Il medem destin crudaivel sco ils cristians hajan per exempel ils Jessids. Perquai saja quai gist ch'il cussegl federal appelleschia da tegnair en il dretg umanitar che valia per tots pievels.

En las regiuns pertutgadas dettia quai da preschent ina massa orfans. «Da quels pudessan nus propi – qua part'jau sa chapescha l'opiniun da Schwaller – prender si blers, blers da Nadal», ha ditg Fetz.

## Scumandar il stadi islam ed Al-Kaida

Cun ina lescha urgenta duain Al-Kaida ed il stadi islam vegnir scumandads en Svizra. Oz tracta il cussegl dals chantuns la lescha. Igl è prevedì chastis d'enfin tschintg onns praschun.

La lescha urgenta duai scumandar la participaziun a talas organisaziuns. Er il sustegn material u persunal, la propaganda u la recrutaziun da persunas stat uss chastis.

Ins vul era pudair punir delicts en l'exteriur sch'il delinquent vegn arrestà en Svizra e betg pli extradì. Cun questa disposiziun pudessan ins era sentenziar Dschihadists che turnan enavos en Svizra.

Omaduas chombras ston decider anc en la sessiun d'enviern davart la lescha urgenta che duai ir en vigor l'entschatta 2015. En cas d'in referendum pon ils votants decider pir pli tard. La lescha è terminada fin il 2018.

Da preschent exista anc in scumond dad Al-Kaida. Lez scada dumond la fin da quest onn, damai ch'el sa basa be sin ina ordinaziun parlamentara. Era la gruppaziun stadi islamic è scumandada cun in'ordinaziun urgenta dal cussegl federal. Lezza vala be fin l'avrigl.